

# سرقة بالإكراه □□□ إيقاف سيستم "صندوق سكن لكل المصريين" لاستبعاد متعاقدي إعلان 14 و 15 بعد 5 سنوات انتظار



الأحد 18 مايو 2025 04:00 م

اشتكى الكثير من المتضررين من سكن لكل المصريين في الإعلان 14 و 15 بسبب استبعادهم بعد انتظار 5 سنوات وعدم الالتزام بكراسة الشروط .

وقال أصحاب الوحدات أنه بعد 5 سنوات تم دفع ما يقرب من أكثر من 500 ألف جنيه ما بين مقدم وأقساط، تم غلق سيستم صندوق سكن لكل المصريين، واستبعاد جميع المتعاقدين بحجج مختلفة مخالفة لكراسة الشروط التي هي العقد الملزم بين الطرفين □  
وجاءت الحجج متنوعة ما بين تأخر في دفع الأقساط رغم وجود بند 1.5% غرامة تأخير عن الشهر، إلا أن السبب كان هو ارتفاع أثمان المباني عن الفترة التي تم التعاقد عليها □

## لماذا أغلق السيستم؟

وتساءل المواطنون عن غلق السيستم قبل تسليم الوحدات والمتضررين يمكنهم بعد 5 سنوات استرجاع ماتم دفعه، مخالفا لشروط التعاقد، ورغم الشكاوى إلا أن المسؤولين رفضوا مقابلتهم، وهددوا باعتقالهم □

## ردود الفعل

كتبت شيماء محمد "طيب والي مسدد كل الاقساط ف ميعادها وما اتخصصلهاوش ولا اتحول لبنك علشان الافاده بالارباح الي هي اصلا مش مكتوبه ف كراسة الشروط من ضمن الاوراق".  
وأضاف عبد الحميد "كراسه الشروط بتقول بعد 36 شهر استلام احنا بقى لنا سبع سنين ما فيش اي حاجه لغايه دلوقتي اعلان 2018 مش انا لوحدي في ناس كتير معانا دول بيلعبوا بالناس اللي في الصندوق شغالين بالرشاوي وقله ادب مش ملتزمين بالشروط في الكراسه".

وأشار محمد "حتى اللي التزم فى الدفع متخصصش ليه وحدة ومنزلين الشقق اعلان جديد بسعر اعلى والناس اللي بقالها 4 سنين و 0 سنين بتدفع لسه معلقةينهم ومحدث عارف موقفه ازاى بعد الالتزام وموافقة الصندوق وموافقة البنك يجى الصندوق يوقف التخصيص علينا وعايزين ينزلوا الشقق اعلان جديد يوم ٢١ مايو □□ حسبى الله ونعم الوكيل فى كل شخص مسؤل عن اللي احنا فيه دة □□".  
وقال ويسو شريف "السيستم حضرتك قافل من شهر 6 لحد ما فتح يومين في شهر أكتوبر يومين وبردة اتقفل تاني حتي اللي لحق ودفع رفضوا ملفه".

وأوضحت نونا الهداد "انا اعلان 15 متوسط الدخل ودافعين كل الاقساط في معادها وحتى الان في انتظار الاستعلام والصندوق لا حياه لمن تنادي".

ولفتت عزة "عل فكره ناس كتير دفعوا اقساطهم في ميعادها دون تأخير ولسه ما فيش اي استعلام او استلام".  
ونوهت منى عبدالغنى "انا الاعلان 10 ومجاش استعلام ورد الصندوق قيد الانتظار لحين جاهزية الوحدات والاعلان الجديد هايستلم فوري دة معناه الشقق بتاعتنا هاتروح لهم ولا ايه".